

лукнила стилити белгидирниличи, лугъатуначила имцали тинти баянти дурчниличи дурхнала пикри битлакни кюлайсилизи халбирули саби.

Ишди программабани халаси пикри бяхичиули саби практический хянчурбачи, чузирра вархъли лукнила, гъайикнила, багълабирнила ишараби кадалтнила масъулти имцали мурхъли ва гъатира чедетаахъили ирзути.

Программабала гъарил тема клел бутализибад цалабикибси саби. Цаибил бутализиб чебаахъили саби, делчунтира цазаманализир тикрардирули, теориялашалти багъудлума мурхъдарес ва тинтидарес. Клибил бутализиб практикалашалти устадеш чеахъдиклахъес ибси масъала тлашбалтули саби.

Чидни-биалра темаби кьяндулхъули диалли тикрардирнилис чедаахъити сягятуни учительлис кьяндулхъути темабас яра белкла хянчурбас пайдаладарес вирар.

Тяп илкьяйда учительла ихтиярлизир далтути сари 11 ибил класслизирра тикрардирнилис чедаахъити сягятуни.

Учительлизиб ихтияр лебси саби бучлантани ца тема гъамадли иргъули биалли, илис чедаахъити сягятуни камдарили, цархилти имцали кьяндулхъути темабас харждарес.

Белчлудила план хясибли, дарган мезлис ва литературалис чедаахъити сягятуни ишкьяйда дуртлу:

Классуни	Жумяглизир сягятуни	Дарган мезлис	Литературалис
5	4	2	2
6	4	2	2
7	4	2	2
8	4	2	2
9	4	2	2
10	3	1	2
11	3	1	2

Ишди програмаби бегл гъалар дурадухъунтири 1992 ибил дуслизир. Кам-гъамти дарсдешуначил гъанна сагадан (хляйнайс) кадяхъити сари.